

EAE-KO APEZPIKUEN PASTORALA. Nafarroako Gobernuak Espainiako apezpikuen erantzuna «zuzena» dela esan du

PP ez beste alderdiek Aznarren gobernuaren jarrera kritikatu dute

PSOEk uste du Espainiako Gobernuak «urrutiegi» joan dela EAeko gotzainak kritikatzeari

Erredakzioa | DONOSTIA

Espainiako apezpikuek herenegun esandakoak Bilbo, Gasteiz eta Donostiako gotzainen pastoralari buruzko kritikak baretzeko balio izan du. Espainiako Gobernuak «urrutiegi» joan dela esan du PSOEk, eta Nafarroako Gobernuak bozeramaileak (UPN) berak ere «tonuz igotako adierazpenik» izan dela onartu du. Eusko Jaurlaritzak, Batasunak, EAJk, EAK eta EB-IUk, berriz, gogor gaitzetsi dute PPren gobernuaren jarrera, eta abegi ona egin diote apezpikuen erantzunari.

Espainiako Apezpikuen Batzarreko Batzorde Eragileak, pastoralari egin zaizkion kritikak «gehiegizkoak eta bidegabeak» izan direla esan zuen herenegun. Nuria Iturriagagoitia Nafarroako Gobernuak bozeramaileak atzo azaldu zuenez, «argigarria eta zuzena» da apezpikuek esana. Jose Blanco PSOEko Antolakuntza idazkariak, berriz, Espainiako Gobernuak «urrutiegi» joan dela dio, eta badela «gaia aldatzeko ordua». Hala ere, biek berretsi zuten ez datozela bat pastoralarekin.

Joseba Azkarraga Eusko Jaurlaritzako Justizia sailburuaren hitzetan, «argi dago Aznarrek ez duela pastoralara irakurri, eta gezurrak esaten jardun duela, idatzia itxuraldatzen». Haren irudiko, «hori egiteko gai den presidente bat arriskutsua da askatasunentzat eta eskubi-deentzat». Orain Espainiako Apezpikuen Batzarra ere Espainiako Gobernuaren «etsai» bihurtu dela dio, «marjinatu beharreko beste sektore bat».

Ildo beretik hitz egin zuen Xabier Arzalluz EAJko EBBko presidentek: «Aznarrek ziur mendekua hartuko duela, arlo ekonomikoan edota gotzainen intereseko legeren batean». Espainiako gobernuburuak «beti mehatxuak» darabiltzala azaldu zuen Arzalluzek.

Eusko Legebiltzarrean ere apezpikuen erantzuna izan zen hizpideetako bat. EAKo Antolakuntza idazkari Rafael Larreina- ren iritziko, Espainiako Gobernuaren kritikak «deskalifikatzaileak, bidegabeak eta gehiegizkoak» izan dira. «Logika demokratikoaren aurka» doazela eta «pentsamendu bakarra» ezartzea dutela helburu salatu zuen. PPK «nahita» isildu

ESPAINIAKO GOBERNUA



TIAGO PETINGA / EPA

Jose Maria Aznar Espainiako presidentea atzo Portugalen, Durao Barroso lehen ministroarekin.

Aznar: «Gobernuak ez du zertan jarrera aldatu»

Jose Maria Aznar Espainiako Gobernuak presidentek uste du ez dagoela EAeko gotzainen idatziaren aurrean izandako «jarrera kritikoa» aldatzeko arrazoirik. Gogoratu zuen Alderdi Politikoen lege egitasmoak Espainiako Kongresuko %95aren babesa izan zuela. Gotzainei egindako kritikak «erabat zilegiak» direla dio: «Herriarren gehiengo zabala gurekin bat datorrela uste dugu. Norbera herriarren aurrean duen erantzukizunaren jabe egin dadila».

Pio Cabanillas Espainiako Gobernuak eleduna Aznarren ildo beretik mintzatu zen. Haren arabera, gizarte «demokratiko, ireki eta anitz»

batean guztiek dute «kritika egiteko eskubidea». Espainiako Apezpikuen Batzarri «hausnarketa» egin zezala aholkatu zion, kontuan izan zezala «Espainiarren gehiengoaren nahia». Dena den, ez dutela Elizarekin «borrokarik» izan nahi nabarmendu zuen. Josep Pique Espainiako Atzerri ministroaren esanetan, berriz, «Gobernuak erabat bukatutzat eman du pastoralaren auzia».

Bestalde, Ermuko Foroak «martiztar koadrila» deitu zien Espainiako apezpikuei. Aski Da! eta Terrorismoaren Biktimen Elkarte (AVT), berriz, «suminduta» agertu ziren, eta «terrorismoaren biktimak baztertu izana» egotzi zien. Erantzun gisa, Aski Da! taldeak elkarretaratzea egingo du bihar Donostiako Artzain Onean, *Bosgarrena. Ez duzu hilko* lelopean. Pastoralaren aurkako idatzia ere banatuko dute.

ditu gotzainek ETari egindako kritikak, haren aburuz.

«PPk zaplaztekoa jaso du»

Batasuneko bozeramaile Arnaldo Otegiaren aburuz, Espainiako Gobernuaren jarrerak erakusten du «gene inperial asko» dituztela, eta uste dutela «planetaren zentroa» direla. Era berean, iritzi zion PPK «zaplaztekoa» jaso duela Espainiako apezpikuen erantzunarekin. Gainera, Otegiaren iduriko, pastoralak «nahiko epela» da; Euskal He-

rriko 358 apaizek autodeterminazioaren alde sinatutako adierazpena «ausartagoa» dela dio, eta, horrenbestez, «balio handiagoa» duela. Joseba Alvarez Batasuneko legebiltzarkideak, berriz, esan zuen PPK «porrot politikoa» lortuko duela, horrela jarraituz gero.

Halaber, EB-IUko legebiltzarkide Antton Karreraren arabera, Aznarren gobernuak Apezpikuen Batzarrearen Batzorde Eragileak «presionatzen» saiatu da, baina gauzak okertu zaizkio.

Espainiako apezpikuek «gauzak dagokien lekuan» utzi dituztela adierazi zuen, eta «PPren gezurrak» salatu zituen. «Kontrako bidetik joan zaio tiroa, eta lotsagarri geratu da».

EAeko PPko presidente Carlos Iturgaitzek, haatik, Espainiako apezpikuen « korporatibismo okerra eta faltsua » gaitzetsi zuen. Hark dioenez, apezpikuen adierazpenak «ez datoz bat Espainiako gizartearen gehiengoarekin». Bidebar, euskal elizaren jarrerak

ESANAK

JOSE MARIA AZNAR

(Espainiako Gobernuak presidentea)

«Gobernuak uste du Espainiako herriarren gehiengo zabalaren babesa duela, eta ez du jarrera aldatuko»

JOSEBA AZKARRAGA

(Eusko Jaurlaritzako Justizia sailburua)

«Argi dago Aznarrek ez duela pastoralara irakurri, eta gezurrak esaten jardun duela, idatzia itxuraldatzen»

ARNALDO OTEGI

(Batasuneko bozeramaileak)

«PPk zaplaztekoa jaso du Espainiako apezpikuen erantzunarekin»

RAFAEL LARREINA

(EAKo Antolakuntza idazkaria)

«PPk pentsamendu bakarra ezartzea du helburu»

XABIER ARZALLUZ

(EAJko EBBko presidentea)

«Aznarrek ziur mendekua hartuko duela, ekonomikoki edo gotzainen intereseko legeren batean»

N. ITURRIAGAGOITIA

(Nafarroako Gobernuak eleduna)

«Espainiako apezpikuen idatzia argigarria da, eta ez dut uste okerrik duenik»

«mezatara gero eta jende gutxiago joatea» eta «gero eta apaizgai gutxiago» egotea dakartzala eman zuen aditzera.

Elkartasuna gotzainei, Italiatik

Francesco Cossiga Italiako Errepublikako presidente ohiak elkartasunezko mezua bidali die euskal gotzainei. Gogor salatu du Aznarrek «terrorismoaren aurka eta elkarriketaren alde egindako idatzia» kritikatzeari. Batasuna legez kanpo uztearen aurka ere agertu da.